

Faaaliga

Aso: 11 Me, 2018

Mo: Au Pulega Aoao; Au Peresitene Aoao o Ausilali; Fitugafulu Eria; Peresitene o Siteki, Misiona, ma Itu; Epikopo ma Peresitene o Paranesi; Au Peresitene o Korama a Toeaina; ma Au Peresitene o Aualofa, Alii Talavou, ma Tamaitai Talavou a Siteki ma Uarota

Mai le: Perisitua ma le Matagaluega o Aiga (801-240-2134)

Mataupu: Fesili Faaopoopo e Fesiligia Soo e uiga i le Auaunaga faatasi ma Korama a le Au Perisitua Mekisateko ma Aualofa ua Faamalosia

O LE EKALEZIA A
IESU KERISO
O LE AU PAIA O ASO
E GATA AI

O le tusiga na faapipii faatasi atu ma le tusi a le Au Peresitene Sili “Auaunaga faatasi ma Korama a le Au Perisitua Mekisateko ma Aualofa ua Faamalosia” na tusia i le aso 2 Aperila, 2018, na aofia ai se vaega o ni fesili ma tali e fesoasoani e faatulagaina ia suiga ia na faasilasila atu i le konafesi aoao ia Aperila 2018.

Tali i fesili faaopoopo o loo aofia i lenei faaaliga. Ua uma foi ona faaopoopo nei fesili ma tali i le itulau o fesili e fesiligia soo i le ministering.lds.org.

Auaunaga faatasi ma Korama a le Au Perisitua Mekisateko ma Aualofa ua Faamalosia

O LE EKALEZIA A
IESU KERISO
O LE AU PAIA O ASO
E GATA AI

Fesili Faaopoopo e Fesiligia Soo, 11 Me, 2018

O Korama ma Aualofa

1. Pe o le taulai atu i le korama ma le Aualofa o faamalosia ai le matafaioi a le epikopo ma le aufono a le uarota?

Ioe. O le epikopo o le faitaulaga sili pulefaamalumalu ma e “tuuina atu le taitaiga ma le fautuaga i isi taitai o le uarota” (*Tusitaulima 1, 2.1.1*). Na te iloiloia ma faamaonia galuega o le auaunaga. I lalo o le taitaiga a le epikopo, e faaauau ai pea e le aufono a le uarota lana matafaioi taua o le “fesoasoani i tagata taitoatasi e fausia a latou molimau, ia maua sauniga faaola, tausia feagaiga, ma avea ma soo faapaiaina o Iesu Keriso” (*Tusitaulima 2, 4.4*). O le korama a toeaina ma le Aualofa ua faamalosia—lea e fai ai ma sui o latou peresitene, o sui o le aufono a le uarota—o le a faateleina le lelei o lena aufono.

2. O le a le korama o lavea ai uso o au peresitene o malumalu, misiona, ma le nofoaga autu e aoaina ai faifeautalai?

O nei uso o ni sui o korama a toeaina ia latou uarota.

3. I le siteki, o faitaulaga sili o loo auauna atu i le au peresitene o le paranesi o i latou o ni uso o le korama a faitaulaga sili?

Leai. O faitaulaga sili o loo auauna atu i au peresitene o paranesi i se siteki e le o ni uso o le korama a faitaulaga sili. O uso o le korama a faitaulaga sili ua na o i latou ia o i ai tofiga i le au peresitene o le siteki, i au epikopo, i fautua maualuga, ma o se peteriaka o loo galue lea e manaomia ai i latou e avea ma faitaulaga sili.

4. O toeaina o loo auauna atu i se au epikopo (mo se faataitaiga, i se siteki a talavou nofofua matutua) o ni uso o le korama a faitaulaga sili?

Leai. O toeaina o loo auauna atu i se au epikopo e le o ni uso o le korama a faitaulaga sili.

5. E tatau i au peresitene a korama a toeaina ona asiasi atu po o le faatalanoa o uso o le korama e faatasi i le tausaga (tagai *Tusitaulima 2, 7.3.2*)—e faaopoopo atu i le faia o faatalanoaga o auaunaga faalekuata?

Ioe. I le avea ai ma se vaega o lo latou tiutetauave atoa, e tatau i au peresitene o korama a toeaina ona faatalanoa uso o le korama e faatatau i tiute uma faaleperisitua—e aofia ai le soifua manuia o le e umia le perisitua, lona toalua, ma lona aiga—ia le itiiti ifo ma le faatasi i le tausaga. O nei faatalanoaga e mafai ona faia i le faagasologa o le tausaga. O lenei talanoaga e le tatau ona tuufaatasia ma se faatalanoaga o auaunaga lea e i ai foi ma le soa.

10. O le a le matafaioi o taitai faamaopoopo ma supavaisa o le auaunaga?

O valaauga o taitai faamaopoopo ma supavaisa o le auaunaga ua faamutaina. Ua tatau ona faamaloloina i latou na valaauina i nei tofiga.

11. O ai e faatautaia faatalanoaga o auaunaga?

O sui taitasi o au peresitene o korama a toeaina ma Aualofa e faatautaia faatalanoaga o auaunaga. E oo lava i se uarota tele, o le a iloa e taitai le faigofie o le taulimaina o faatalanoaga pe a faia ni nai [faatalanoaga] i vaiaso taitasi e sui taitasi o le au peresitene. E le manaomia ona faaumi faatalanoaga o auaunaga ina ia lelei ai.

12. O le a le taimi o le kuata e faia ai e taitai ia faatalanoaga o auaunaga?

E mafai ma e tatau ona faia faatalanoaga o auaunaga i le *faagasologa* o kuata taitasi—ma aua le faapolopoloina mo le vaiaso mulimuli po o le masina mulimuli o le kuata. Ao faia e le aunoa e taitai faatalanoaga, o le a latou iloa ai e mafai ona latou faataunuuna ia faamoemoega faaleagaga ma faaletino o le auaunaga.

Ia Faaaofia le Autalavou i le Auaunaga

13. E mafai ona tofia alii ma tamaitai talavou e auauna atu ma ni soa matutua?

Ioe. O taiala o loo i le pepa o faamatalaga talu ai nei o le “Puipuia ma le Tali Atu i le Saua” ua faatagaina ai le tofiaina o le autalavou e avea ma soa o auaunaga i tagata matutua. O le “auaunaga” e le o faapea o se “gaoioiga” po o se “vasega,” e pei ona faatatau i ai i na taiala.

E tatau i taitai ona faaaoga le faautautaga musuia pe a tofia le autalavou e avea ma soa o auaunaga. E tatau i soa matutua ona aloese mai tulaga ia e ono ave sese ma le malamalama ai. E tatau ona latou mataalia e faatatau i le mamao i tulaga taitoatasi ina ia maua e le autalavou se aafiaga saogalemu ma tauia i le auaunaga. E le gata i lea, e tatau ona faaaoga le atamai i le aua nei tofia le autalavou i ni aiga faigata po o ni faafitauli faaleaiga.

14. E tatau i Maea Meite ma Lora uma ona maua ni valaauga o le auaunaga?

E mafai ona valaaulia Maea Meite ma Lora e auauna atu. Matua ma taitai ia fefautuaai ma tamaitai talavou taitasi, ma pe a talafeagai ai ma ona tulaga ma ua naunau e auauna atu, e mafai ona tuu atu ia te ia se valaauga o le auaunaga. E auauna atu tamaitai talavou o ni soa i uso o le Aualofa.

15. O ai e faafesootaia valaauga o auaunaga i le autalavou?

Faatasi ai ma se faatagana mai le epikopo, o se uso o le au peresitene o le Aualofa e tuuina atu ia valaauga o auaunaga i Maea Meite ma Lora. Ma, faatasi ai ma le faatagana a le epikopo, e tuuina atu e se uso o le au peresitene o korama a toeaina ni valaauga o auaunaga i aoao ma ositaulaga.